


Edizione diplomatica

[124va]

 <p>Image not found https://letteraturaeuropea.let.uniroma1.it/sites/default/files/f432%20%283%29.jpg</p>	<p>A chantar mes daisso qieu non deuria. qar mi rancur de cell cui sui amia. qar ieu lam mais qe nulla ren q(ue) sia. ni ablui trueb merce ni corte sia. ni no mi ual ma beutatz ni mos senz. qatreissi sui enia nadae traia. con degresser sieu fos dezaunienz.</p> <p>Daissom conort qar anc no(n) fes failhensa. amics uas uos per nuilha captenensa. anz uos am mais non fes segis uale(n)sa. e plai me ben qez ieu damar uos uensa. le mieus amics qar es pros e ualenz. mi fas ergueillz en ditz e en paruensa. e si es franz [1] uas totas autras genz.</p> <p>MErauill me con uostres cors sergueilha. amics uas me p(er) qai razon qem dueilha. ni no(n) es dreitz qautramors uos mi tue ilha. per nuilha ren qeus diga nius acueilha. e membre uos lo bells comensamenz. de no</p>
---	--

[124vb]

Image not found

https://letteraturaeuropea.let.uniroma1.it/sites/default/files/Chansonnier_provenal_Vatican_3794_btv1b6000427q_0.jpg



stramor ia damedieus no(n) uu
eilha. qen ma colpa si al depar
timenz.

Proeça granz qel uostre cors sazi
na. e le rics prez qaves uos ata
ina. nulla non sai loinhtana
ni uezina. se uos laines uas uos
non fos a clina. mas uos amics
es ben tan conoissentz. qe ben
deuez conoisser la plus fina.
e membre uos de nostres com
nentz.

Valer mi deu mos prez e mos pa
rages. e ma beutatz e plus mos
fis corages. per qieu uos man
lai ones uostre stages. e ma
chanços ueilh qe sia messa
ges. e uneilh saber le mieus
bells amics genz. per qa mi es
tan fers ni tan saluages. non
sai si es ergueills o maltalenz.

Mas tan e plus uos uos diga le
messages. qen trop ergueilh
an gran dan mantas genz.

- letto 2644 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/edizione-diplomatica-275>

Links:

[1] <https://letteraturaeuropea.let.uniroma1.it/?q=laboratorio/annotazione-lessico-semantic-0>